

Allgemeine botanische Zeitung.

Nro. 16. Regensburg, den 28. April 1835.

I. Original - Abhandlungen.

Plantarum Hungariae novarum vel non rite cognitarum Decas II. Auct. M. D. Heuffel, Lugosiensi.
(Conf. Flor. 1833. p. 353.)

1.) *Allium ammophilum** Scapo basi tereti, superne subcompresso, utrinque lineato; foliis linearibus obtusis glabris, subtus planis nervosis; umbella fastigiata, petalis oblongis acutis, staminibus exsertis.

Rhizoma transversum, pennam anserinam fere crassum, simplex et bifidum, basi senescendo emoriens, supra hanc latere radicum fibras albas 1 — 1½ poll. edens, apice bulbum oblongum obliquum, tunicis subtilissimis albis nitidis vestitum gerens. Folia tantum radicalia, scapum basi vaginantia, multa, exteriora planta florente jam emarcida, interiora erecta, scapi diametrum lata, eo dimidio breviora, linearia, obtusa, plana, dorso nervosa. Scapus aspathama ad pedem altus, strictus, basi teres, superne subcompressus, lineis duabus elevatis oppositis notatus, laevis, nitidus. Flores in umbella fastigiata insident pedunculis longis angulatis, angulis subtilissime ciliatis, apice incrassatis; spatha membranacea diphylla, late ovata, acuta, sub anthesi

Flora 1835. 16.

Q

reflexa, pedunculis brevior. Perigonii phylla oblonga acutiuscula, alterna parum minora, ochroleuca. Stamina simplicia setacea, basi parum dilatata, erecta, perigonii phyllis longiora, antherae cordatae sulphureae. Stigma longitudine staminum, demum cum capsula elongatum. Capsula triangularis laevis, viridis: semina nigra.

Hab. in campis arenosis legionis Teutonico-Banaticae, imprimis circa Grebenáz. Jul. 4.

Not. 1.) Ob stamina simplicia, umbellam capsuliferam, foliola plana angusta et affinitatem cum *Allio ochroleuco* WK. post hoc in systemate militabit.

Not. 2.) A proximo *A. ochroleuco* WK. differt rhizomate transverso, bulbo albo-tunicato, foliis copiosioribus, scapo stricto, umbella fastigiata laxa, pedunculis florum multo longioribus, perigonii phyllis oblongis acutis, staminibus brevioribus, florendi tempore praecociori etc.

2.) *Alyssum Wierzbickii* * Caule erecto herbaceo foliisque oblongo-lanceolatis stellato-hirsutis, filamentis appendiculatis, siliculis orbiculatis pubescentibus, stylo aequilongo coronatis; seminibus immarginatis.

Radix ramosa annua. Caules ex eadem radice plures, basi inclinati, aphylli, rubri, pilis obsessi, sursum versus semper copiosioribus pilis, pluribus e puncto uno ortis (stellulatis) vestiti, ita, ut supra medium accedente tomento brevi cano-hirsuti fiant, a pede 1 ad 2 alti; caules steriles apice rosulam foliorum gerunt. Folia integerrima, omnia oblongo-

lanceolata, utrinque attenuata, infima brevissima, media longissima, suprema rursus abbreviata et angustata, viridia, utrinque pilis sat longis stellatim divergentibus, dorso pallidiore copiosioribus obsessa, marginibus ciliata. Flores corymbosi aurei, demum in racemum simplicem elongati, pedunculis insident semipollicaribus, patentibus, pilis longis patulis, immixtis brevioribus, vestitis. Calycis phylla oblonga obtusiuscula demum caduca, cana, basi copiosius et longius pilosa. Petala calyce duplo fere longiora, retusa emarginatae. Filamenta 4 longiora alata, ala utrinque supra medium in dentem desinente, breviora 2 basi squama lineari-lanceolata, filamenti $\frac{2}{3}$ longa stipata. Silicula orbicularis, lineam longa lataque, cano-pubescens, apice quo stylum puberulum se aequantem gerit impressa, bilocularis, tetrasperma, seminibus 2 plerumque tantum evolutis. Semina badia haud marginata.

Hab. in rupestribus montanis Tilfa mare dictis ad Oraviczam in Banatu, ubi ab amicissimo Wierzbicki, in ejus honorem speciem dixi, detecta est. Maj. — Jun.

Not. Speciem hanc am. Wierzbicki Chir. Mag., Chirurgus montano-cameralis primarius Oraviczæ, sub nomine *A. hirsuti* MB. β . *banatici* communitavit; sed. Cel. MBieberst. in Florae Tauro-Caucasicae Tom. II. p. 106. Alyssum suum habitum referre dicit *A. montani* L.; flores describit pallide luteos, siliculas punctis asperas et valde hirsutas: stylo ipsis paulo brevioribus; Tom. vero III.

p. 433. siliculas ait tuberculato-hirsutas, pedicellos silicula paulo tantum longiores, stylum vero eadem duplo triplove brevior, quae omnia longe alias in nostra planta se habent. *Alyso rostrato* Stev. quoque comparatum est, sed huic sunt rami racemoso-paniculati, siliculae ellipticae etc.; nostrum simplex est et siliculis orbiculatis etc. In systemate post hoc ei locus erit.

3.) *Avena compressa* * Panicula erecta coarctata, spiculis subsexfloris, flosculis remotiusculis, valvas acutas superantibus, pedicellis pilosulis; valvula interiore bicarinata integra, exteriori multinervi puberula, apice bicuspidata, arista dorsali geniculata; culmo vaginisque compressis glabris; foliis latis brevibus margine scabris; radice fibrosa.

Radix fibrosa, densos foliorum culmorumque caespites nutriens. Culmi 1 — 1½-pedales, foliorum vaginis ad apicem fere usque vestiti, compressi, striati, glaberrimi. Folia erecta stricta, 2 lin. lata, linearia, plana, breviter, apice in acumen breve, saepe incurvum subito abeuntia, utrinque glaberrima, dorso carina alba glabra notata, marginibus retrorsum scabriuscula, sub lente minutissime serrulata; foliorum culmi vaginae compressae, glaberrimae, lamina apice cucullata, multo longiores; ligula longissime acuminata. Panicula coarctata erecta, ad 4 poll. longa, subracemosa: verticillos infimos constituunt spicula una subsessilis, altera breviter pedicellata, pedunculus demum tertius 1 raro 2 gestat spiculas subsessiles remotiusculas, ter-

tiam longe pedicellatam terminalem; in verticillis mediis sunt spiculae duae, quarum una sessilis est, altera vero pedicellata; in apice racheos spiculae singulae subsessiles racemum formant simplicem. Pedicelli angulati scabriusculi, flexuosi, sub spiculis incrassantur. Spiculae albicantes aut stramineae lanceolatae 4 — 6 florum, flosculo ultimo plerumque abortiente. Gluma bivalvis: valvae inaequales flosculis breviores, lanceolatae acuminatae, inferior minor trinervis, nervo medio scabriusculo, basi viridis, marginibus et a medio membranacea; superior major quinquenervis, nervi tamen 2 marginales cum vicinis fere confluunt. Flosculorum remotiusculorum pedicelli pilosi: glumella bivalvis, valvula exterior subtilissime puberula multinervis, apice membranacea bifida, dorso supra medium aristata, arista basi torta, geniculata, scaberrima, $\frac{1}{2}$ poll. longa; valvula interior lineari-lanceolata, binervis, membranacea, exteriore multo minor. Ovarium superne villosum. Nectaria acuta.

Hab. locis arenosis glareosisque montanis inter vineas infra arcem ad Verschetz in Banatu.

Maj. Jun. ☉.

Nota. In systemate inter *A. alpinam* Smith et *A. planiculmem* Schrad. locanda erit.

4.) *Centaurea Kotschyana* * Foliis radicalibus longe petiolatis, petiolo subvillosis, lanceolatis, dentatis lyrato-pinnatifidisque, caulinis superioribus sessilibus pinnatifidis, laciniis lineari-lanceolatis linearibusque dentatis; caule folioso monocephalo,

sulcato - angulato, superne scabro, capitulo involucrato, squamis anthodii ovato-lanceolatis nigricantibus patulis, albo-fimbriatis.

Radix perennis horizontalis, ramosa lignosa, digitum minimum saepe crassa, intus alba, ad cervicem fibris plurimis, foliorum reliquiis, stipata. Folia radicalia longe petiolata, petiolo lamina sua longiore canaliculato, marginibus villo aut tomento fugaci tecto, lanceolata utrinque attenuata, dentata, subtus marginibusque pubescentia, aut pinnatifida, laciniis oppositis alternisque decurrentibus, linearibus lanceolatisque, plus minus dentatis, terminali maxima, oblongo-lanceolata acuta, dentata; caulina inferiora his similia; media sessilia amplexicaulia, pinnatifida, laciniis baseos linearibus subintegris, reliquis inaequalibus linearilanceolatis plus minus dentatis, terminali maxima; summa aequae sessilia, pectinatim pinnatifida, laciniis linearilanceolatis subfalcatis integris, mucrone colorato terminatis; sub capitulo foliola duo involucrum pinnatifidum mentiuntur. Caulis $1\frac{1}{2}$ — 2-pedalis et altior, erectus, sulcato-angulatus, simplex, raro uno instructus ramo, ad apicem usque foliis vestitus, basi glabriusculus, superne scaber aut asper; setulis minimis immixti sunt pili longiores, albidi, molles. Capitulum florum insigne, eo *C. atropurpureae* WK. parum minus; anthodii squamae levissime et tantum sub lente puberulae, ovato-lanceolatae acuminatae, dorso basi virides, caeteroquin nigricantes, facies ciliaeque elongatae, varie flexae, argen-

teae nitidae. Corollae atropurpureae, radii neutrae
 iis disci vix majores, laciniis linearibus acutis; an-
 theras atropurpureas nitentes rigidae, stylus parum
 exsertus concolor; ovarium puberulum; pappus mul-
 tiradiatus scaber. Receptaculum setis raris brevi-
 busque obsessum.

Hab. in graminosis alpinis supra ipsas cata-
 ractas Bisztrae in alpe Szárkó Banatus (ego) et
 in vicina Transylvaniae alpe Retyezát (Kotschy).
 Jul. Aug.

Nota 1.) Dixi in honorem D. Theodori
 Kotschy Theol. Cand., qui anno hocce alpes Ba-
 natus et vicinas Transylvaniae solertissime perqui-
 sivit, multasque raras stirpes detexit.

Nota 2.) In systemate post *C. atropurpuream*
WK. enumeranda erit.

5.) *Carex dacica* * Spicis lineari-oblongis,
 masc. 1, fem. subternis laxifloris remotiusculis, in-
 feriore pedunculata, reliquis subsessilibus; bracteis
 amplectentibus auriculatis, foliolo infimae spiculam
 superante; valvis oblongis acutiusculis; perigyniis
 valva majoribus ovalibus compressis glabris; rostro
 brevissimo ore integro; culmo triquetro, foliis pla-
 nis margine scabris; radice repente.

Radix repens, pennam columbinam crassa, hic
 ibique fasciculum foliorum culmorumque protrudens,
 squamis fuscis oblongo-lanceolatis striatis nitidis
 tecta; tales et collum stipant. Folia linearia plana,
 ultra lineam lata, in acumen longum triquetrum at-
 tenuata, erecta, firma, carina marginibusque scabra,

laete viridia, culmo plus triplo latiora, eo breviora. Culmus spithamam raro pedem altus, erectus, strictus, aut apice parum inclinatus, basi foliis paucis vestitus, caeteroquin nudus, acute triqueter, jam glaberrimus et laevis, jam supra medium scaber. Bractee amplectentes, auricula utrinque nigra instructae, infima, non raro et altera foliacea, spiculam superans, reliquae late ovatae obtusae, seta aut mucrone terminatae. Spica masc. una, femineis parum major $\frac{2}{3}$ poll. longa 1 lin. lata: valvae oblongae plus minus acutatae, fusco-atrae, nervo dorsali albido. Spicae fem. 2 — 3, raro plures aut pauciores, floriferae lineares, fructiferae oblongae, obtusae, jam approximatae, jam parum remotae, infima exserte pedunculata, pedunculo angulato, basi ochrea nigra amicto, reliquae subsessiles aut revera sessiles: valvae ovaes obtusae aut oblongae acutae, inferiores saepe plus minus acuminatae, ex atro-purpureae, nervo dorsali pallidiore aut viridi, nonnunquam tenuissime albo-marginatae. Perigynia valvis et longiora et latiora, laxe sexfariam imbricata, inferiora frequenter remotiuscula, facie plana, dorso convexuscula glabra, laete viridia, aut apicem versus fusca aut atropurpurea; rostrum brevissimum saepe incurvum, ore integrum. Stigm. 2.

Hab. in turfosis uliginosisque alpinis et subalpinis Banatus e. c. in uligine ad crucem sub alpe Szárko (ego); in vicinia Transylvaniae alpe Retyezát (Kotschy). Jul. Aug. 24.

Not. 1.) Variat frequenter spiciis omnibus femi-

neis aut terminali androgyna, floribus apice masculis; non raro occurrit spica fem. radicalis longissime pedunculata, floribus valde distantibus.

Not. 2.) In systemate *C. caespitosae* Linn. praemittenda erit.

6.) *Euphorbia lingulata* * Umbellae sub-5-fidae radiis 3-fido-2 fidis, foliis breviter petiolatis, basi truncatis, linguaeformibus, emarginatis, integerrimis subtus glaucis, cauleque erecto pilosis; bracteis obovato-oblongis integris emarginatisve; appendiculis involucri rotundatis; capsulis filamentoso-hirtis.

Radix ramosa lignosa perennis. Caules ex eadem radice plures, erecti, pedales, teretes, basi rubelli, cicatricibus a foliis deciduis notati, patentim et dense pilosi, supra medium usque foliosi, sub umbella spatio jam majori jam minori aphylli. Folia sparsa, petiolo instructa fere lineam longo, linguaeformia, basi truncata, marginibus integerrimis undulata, apice rotundata leviter emarginata, utrinque pilosa, supra laete viridia, subtus glauca, nervo dorsali prominulo albo, ultra pollicem longa, unguem lata; his involucri foliola prorsus similia sunt, praeterquam quod breviori instruuntur petiolo. Umbella subquinquefida, (radii nempe quatuor ex apice oriuntur caulis, quintus vero reliquis brevior et minus divisus, trifidus tantum, rarissime 3-fido-2-fidus, cum folio ex cujus axilla prodit, a reliquorum insertionis puncto $1 - 1\frac{1}{2}$ lin. remotus) tum trifida, demum bifida, non raro denuo bifida (dichotoma). Radii ad trichotomam usque divisionem

tribus foliolis obovato - oblongis integerrimis basi subtruncatis, apice emarginatis glabrescentibus, dorso glaucis instructam, patentim sed rariter pilosi, supra trichotomiam glabri; foliola ad basim dichotomiae inserta bina, iis ad trichotomiam positis similia, sed breviora, ad basim floris vero locata, ovalia sunt. Flosculi brevissime pedunculati terminales solitarii, raro unus longe pedunculatus et sterilis in trichotomia enascitur. Involucri appendices rotundati, minuti, primum flavi, demum atropurpurei, antherae sulphureae. Capsulae elevantur pedicello lineam longo, erectae, semine cannabis majores, filamentis crassis varie flexis flavescentibus obsessae. Semina milii magnitudinis sulphurea laevia.

Hab. in graminosis elatioribus montis Domuglett ad Thermas Herculis in Banatu. Maj.

Not. In systemate post *E. epithymoidem* *L.* ei locus erit.

7.) *Orchis elegans* * Labello amplo obovato, subrenato, phyllisque perigonii divaricatis obtusiusculis nervosis; calcare obtuso horizontali ovarium subaequante; bracteis coloratis flores superantibus; spica laxa elongata, virginea comosa; foliis lineari-lanceolatis.

Bulbi subrotundi aut ovoidei, magnitudine nucis Juglandis minoris, annotinus saepe pedunculo $\frac{1}{2}$ poll., pennam anserinam crasso, insidet. Caulis a pede uno ad duos altus, digitum minorem saepe crassus, ad spicam usque foliosus, basi vagina una

aphylla membranacea alba, altera in foliolum, breve canaliculatum desinente vestitus. Folia erecta immaculata, lineari-lanceolata, in acumen ensiforme saepe attenuata, pollicem fere lata, dodrantem longa, plana, inferiora e vagina orta, superiora amplexicaulia lanceolata. Spica ante florescentiam a bracteis coloratis longis eleganter comosa; florescentiae tempore spithamam longa, laxa, multiflora; bracteae amplectentes lineari-lanceolatae, in acumen lineare, longum attenuatae, nervoso-coloratae, flore semper longiores. Flores magni, saturate purpurei; perigonii phylla subaequalia oblonga obtusa nervosa, exteriora divaricata; labellum venosum obcordatum, obsolete trilobum, lobus medius emarginatus, laterales crenulati subaequales. Calcar cylindricum, obtusum, horizontale, ovario parum brevius.

Hab. in pratis spongiosis montanis ad Zsidóvár in Banatu. Maj. Jun. 4.

Not. Affinis quidem *O. laxiflorae* Lam., sed notis indicatis, annis jam quatuor, quibus speciem elegantem observo, constantibus, abunde diversa.

8.) *Veronica crassifolia* Wierzb. herb. (nec Kitaib. quae *V. orchidea* Crantz.) Caule assurgente basi laevissimo; foliis coriaceis, glabris, oblongis, obtusis, ex ovata basi cordatis, duplicato-crenatis, inferioribus longe petiolatis; racemis densis; calycis laciniis obtusis ciliolatis, capsulam obcordatam glabram aequantibus.

Radix oblique descendens, pennam anserinam

crassa, undique fibras crassas, jam pubescentes, jam glabras agens, lignosa perennis. Caulis basi quidquam inclinatus, tum erectus, rigidus, strictus, jam totus laevissimus, jam supra medium rara et brevi pube obsitus, dense foliosus, ab 1 — 1 $\frac{1}{2}$ pedem altus. Folia opposita, valde crassa coriacea, radicalia et caulina inferiora longe petiolata, linguiformia aut oblonga obtusa, ex basi ovata in petiolum decurrente plus minus cordata, facie laevia, dorso rugulosa, utrinque glaberrima, marginibus, saepe in apicem rotundatum usque, duplicato et inaequaliter crenata; media his similia tantum minora, et in pedunculum brevem decurrentia; summa ovato-oblonga subsessilia amplexicaulia crenata aut serrata, jam glaberrima, jam pube rara et brevi, praesertim marginibus, obsessa. Caulem terminat racemus palmaris spithamalisve densus et axillares 2 — 6 minores. Bractee lineari-lanceolatae, jam glabrae, jam puberulae ciliataeque, calycem aequant. Flores brevissime pedunculati. Calycis sepala quatuor; duo superiora breviora, omnia lineari-lanceolata, aut linearia, obtusiuscula, jam glaberrima, jam puberula et eximie ciliata. Corollae cyanae lacinae late-lanceolatae, acutae, patentes, rectae, faux pilis longis barbata. Stylus staminibus, corollae laciniis aequantibus aut superantibus, brevior. Capsula oblonga, apice profunde excisa, stylo coronata longo, glaberrima, calycem vix excedit.

Hab. in lapidosis rupestribusque calcareis montis Szimeon ad Csiklovan in Banatu. Aestate.

Not. Speciem hanc insignem, quam amicissimus Wierzbicki ab annis jam quinque immutatam observat ac quotannis copiosam legit, ab aliis cum *V. spicata* L. ab aliis vero cum *V. orchidea* Crantz conjungitur; ab utraque, quibuscum inflorescentiam habet communem, eximie differt: glabritie et laevitate omnium partium, praepremis vero textura lignosa caulis et coriacea crassa exsucca foliorum, foliis inferioribus petiolo longo canaliculato subalato insidentibus, subcordatis, exacte et duplicato-crenatis etc., capsulis glaberrimis; a *V. orchidea* Crantzii insuper corollae laciniis lato-lanceolatis rectis. Mallem *V. orchideam* Crantz cum *V. spicata* L. conjungere, quam hanc primo jam obtutu diversissimam speciem alterutri adsociare. *V. nitens* Host formam sistit *V. spicatae* L. glabratam, a nostra tamen facile et semper distinguendam.

9.) *Veronica Bachofenii* * Cano-pubescentis; foliis oppositis, cordato-oblongis, acutis lanceolatisve, inaequaliter et duplicato-serratis; calycibus subaequalibus, capsulam obcordatam, glabram subaequantibus; corolla tubulosa.

Radix ramosa, lignosa, perennis. Caules ex eadem radice plures, basi parum inclinati, tum erecti, a pede uno ad duos alti, teretes, pilis brevibus canis adpressis pubescentes. Folia omnia petiolata (petiolo a $\frac{1}{2}$ ad 1 poll. longo, incano-pubescente, subtus convexo striato, supra canaliculato) plana, utrinque pube brevi, rara, adpressa consita, pollicem saepe latiora, 1 : ad 2 poll. longa,

cordato-oblonga, acuta, media acuminata, summa cordato-lanceolata, inaequaliter et duplicato-in apicem fere usque grosse serrata, basi dum et quando incisa. Racemi terminales ab 1 ad 12, oppositi, simplices, aut denuo ramosi, erecti, elongati. Bracteae lineares, pedicello longiores, puberulae. Pedicelli lineam longi, cum calyce aequilongo pubescentes, cujus quatuor laciniae lineares, subaequales corollae tubum et capsulam fere aequant. Corollae cyaneae tubus inflatus, basi inaequalis, crenulatus, glaber, laciniis lato-lanceolatis, erecto-patulis, parum longior; faux uno alterove pilo obessa. Stamina corolla longiora; stylus brevis inclusus demum elongatur corollamque deciduam sat longe sustinet. Capsula parva obcordata, subrotunda, parum compressa, glaberrima, calycem vix aut plane non excedit.

Hab. in petrosis rupestribusque versus alpem Retyezát in Transylvaniae Comitatu Hunyadiensi frequentissime; rarius similibus in locis ad Thermas Herculis versus alpes Banatus. Jul. Aug. 24.

Not. 1.) In systemate *V. longifoliae* L. vicina erit, a qua differt: vestitu cano-pubescente, caule humiliore, foliis binis oppositis longius petiolatis, latioribus, brevioribus, minus profunde et acute serratis, capsula evidenter emarginata, corollae fauce minus hirsuta, praesertim vero hujus tubo inflato longiore etc. — *Veronica spicata urticaefolia* Amm. ruth. 26 forsitan huc pertinet, sed id disquirendi mihi occasio non est; Cel. MBieberst. in

Flor. Tauro - Cauc. Tom. III. p. 8. hoc synonymon ad *V. elatiorem* Willd. trahit, hujus tamen descriptio nostrae nequaquam convenit plantae.

Not. 2.) Dixi in honorem D. Bachofen ab Echt Caes. Reg. sylvarum Directoris in confinio militari Banatus, viri humanissimi, tum circa Veteranum nostrum amicissimum mihi Rochel, tum circa me meritissimum, scientiae botanicae cultorem et fautorem eximium.

10.) *Crocus banaticus* * Tunicis radicalibus nervosis, in fibras demum solutis; foliis coetaneis, lanceolato - linearibus, subbinis; spatha simplici; perigonii limbo campanulato, fauce nuda, stigmatibus inclusis stamina excedentibus, tubulosis, crenulato - incisis.

Bulbus duplex solidus, superior minor majori insidens, albus, squamis paucis laevibus fuscis tunicatus. Vaginae foliorum cum his protruduntur 3 — 4, omnes membranaceae albae, exteriores obtusae breves, intima longior apice callosa. Folia 2 — 3, lanceolato - linearia glaberrima nitida, facie linea alba longitudinali notata, dorso nervo valido carinata, marginibus parum revoluta, primum flore, cui coetanea, breviora, demum elongantur patentque. Flos inter folia unus scapo brevissimo insidens, spatha membranacea simplici ad basim ovarii inserta, demum tubo brevior, florem virgineum includit. Perigonii tubus longissimus, fauce nudus, limbus campanulatus sexpartitus, partitiones ejus inaequales, tres interiores

et breviores et angustiores atque pallidiores, omnes obovato-oblongae, obtusissimae, lilacinae, sub apice ut plurimum macula cordata profundius colorata pictae. Faux aperta, filamenta glabra, antheris sagittatis breviora, pollen globulos refert aureos, glandulis simillimos, filamentis, stylo, tuboque adhaerentes. Ovarium trigonum, stylus stamina superans, stigma trifidum, laciniis cuneiformibus tubulosis, crenulato-incisis aureis. Capsula estriata; semina rubra.

Hab. in dumetis sylvisque collium montiumque septentrionalis Banatus humidiusculis. Febr. — Maj.

Not. Differt *Cr.* a *versicolore* *Gawl.* spatha simplici potissimum et capsula estriata; a *Cr. verno* *All.* fauce tubi nuda etc.

NB. Ubicumque in decursu dissertatiunculae Systematis mentionem feci Linnaei, intellexi illud ex editione Cl. Curt. Sprengel.

II. T o d e s f ä l l e.

Der Domherr Joseph Host, Bruder des verstorbenen Leibarztes, ist kürzlich zu Agram in Croatien, 83 Jahre alt, mit Tode abgegangen. Nach Mygind war er der erste Botaniker, der die Pflanzenschätze der Küstenländer aufschloss.

Der berühmte Reisende David Douglas hat auf den Sandwich-Inseln einen sehr jämmerlichen Tod gefunden. Er fiel zufällig in eine Grube, die zum Einfangen des wilden Rindviehes gegraben worden war, und traf hier auf einen wilden Stier, der ihn auf der Stelle mit seinen Hörnern tödtete.

et breviores et angustiores atque pallidiores, omnes obovato-oblongae, obtusissimae, lilacinae, sub apice ut plurimum macula cordata profundius colorata pictae. Faux aperta, filamenta glabra, antheris sagittatis breviora, pollen globulos refert aureos, glandulis simillimos, filamentis, stylo, tuboque adhaerentes. Ovarium trigonum, stylus stamina superans, stigma trifidum, laciniis cuneiformibus tubulosis, crenulato-incisis aureis. Capsula estriata; semina rubra.

Hab. in dumetis sylvisque collium montiumque septentrionalis Banatus humidiusculis. Febr. — Maj.

Not. Differt *Cr.* a *versicolore* *Gawl.* spatha simplici potissimum et capsula estriata; a *Cr. verno* *All.* fauce tubi nuda etc.

NB. Ubicumque in decursu dissertatiunculae Systematis mentionem feci Linnaei, intellexi illud ex editione Cl. Curt. Sprengel.

II. T o d e s f ä l l e.

Der Domherr Joseph Host, Bruder des verstorbenen Leibarztes, ist kürzlich zu Agram in Croatien, 83 Jahre alt, mit Tode abgegangen. Nach Mygind war er der erste Botaniker, der die Pflanzenschätze der Küstenländer aufschloss.

Der berühmte Reisende David Douglas hat auf den Sandwich-Inseln einen sehr jämmerlichen Tod gefunden. Er fiel zufällig in eine Grube, die zum Einfangen des wilden Rindviehes gegraben worden war, und traf hier auf einen wilden Stier, der ihn auf der Stelle mit seinen Hörnern tödtete.

ZOBODAT - www.zobodat.at

Zoologisch-Botanische Datenbank/Zoological-Botanical Database

Digitale Literatur/Digital Literature

Zeitschrift/Journal: [Flora oder Allgemeine Botanische Zeitung](#)

Jahr/Year: 1835

Band/Volume: [18](#)

Autor(en)/Author(s): Heuffel M.

Artikel/Article: [Plantarum Hungariae nocarum vel non rite cognitarum Decas 241-256](#)